

Min y Traeth Gwanwyn 2016

Bwletin i rieni Ysgol Eifionydd

www.ysgoleifionydd.org



Rhifyn : 3 Ysgol Eifionydd Porthmadog

Gair gan y Pennaeth

'Ymlaen' yw arwyddair yr ysgol ac fel Pennaeth Ysgol Eifionydd rwy'n edrych ymlaen i barhau i gydweithio yn agos gyda'r athrawon, staff cefnogol, rhieni a'r disgyblion. Mae'r ysgol eisoes yn un lwyddiannus, ond credaf gyda'n gilydd y gallwn ei datblygu ymhellach fel ysgol greadigol sy'n paratou ein disgyblion ar gyfer yr unfed ganrif ar hugain. Mae'r Gymraeg yn agos at fy nghalon ac yn fy marn i mae ethos dwyieithog yr ysgol wedi arwain at ddatblygiad llawn o ddeallusrwydd ein plant yn ogystal â chefnogi diwylliant a thraddodiadau ein bro. Y nod fydd cynorthwyo ein disgyblion i gyrraedd y safonau uchaf posib mewn ysgol hapus, gynhwysol a gwaraid. Hoffwn ddiolch i'r Llywodraethwyr am y fraint o gael parhau i arwain yr ysgol."

Traws Gwlad Meirion-Dwyfor

Cynhaliwyd cystadlaethau trawsgwlad Meirion-Dwyfor yn Nolgellau yn ddiweddar. Llongyfarchiadau calonog i bawb a gymrodd rhan.

Canlyniadau Rhagorol ym

Mathemateg. Hoffwn fel Ysgol longyfarch blwyddyn 11 ar eu canlyniadau Mathemateg gwych gyda bron i 30% o'r flwyddyn yn ennill gradd A/A*. Pob lwc gyda gweddill yr arholiadau mis Mai.



Diwrnod Blasu

Treuliodd criw o Flwyddyn 11 ddiwrnod yng Nghanolfan Glasdir, Llanrwst yn ddiweddar. Trefnwyd y diwrnod gan Brifysgol Caerdydd i godi ymwybyddiaeth am y cyrsiau iechyd maen nhw'n gynnig yno. Bu'n ddiwrnod buddiol dros ben a chafodd y disgyblion gyfle i ddysgu mwy am yrfaeod posib megis nyrsio, radiograffi a bod yn fydwraig. Diolch i Mr. Roger Vaughan am drefnu'r daith ac am hebrwng y disgyblion yno.



Ymweliad Lori Ni

Unwaith eto eleni ymwelodd Lori Ni â'r Ysgol. Cafodd disgyblion Bl.9 gyfle i ymweld â'r lori mewn grwpiau bychain. Mae Lori Ni yn cynnig gwybodaeth a chynghor i bobl ifanc am ystod eang o bynciau pwysig a pherthnasol.



Rhai o ddisgyblion gwersi BAC Blwyddyn 10 Ysgol Eifionydd, yn dilyn cyflwyniad diddorol a gwybodus gan Mr. a Mrs. Swain, ymgrychwr codi ymwybyddiaeth elusen 'Shelter Box' ar un dull llwyddiannus dyngarol byd eang, a gyflwynwyd yn Sylfaen i waith Dinasyddiaeth y myfyrwyr.

Cyngor Ysgol

Mae'r Cyngor Ysgol wedi bod yn hynod brysur yn ddiweddar gan gyfarfod yn wythnosol. Penodwyd Ifan Price Bl.10 yn Gadeirydd a Lowri Jones Bl.10 yn ysgrifenyddes. Mae'r ddau wedi bod yn ddiwyd yn helpu Mrs. Lyn Parry Hughes, sydd â chyfrifoldeb pontio Cynradd-Uwchradd. Bu'r ddau yn ymweld ag ysgolion cynradd y dalgylch cyn gwyliau'r Nadolig ac roedd yr adborth i'w hymdrechion yn hynod bositif. Ymunodd rhai o ddisgyblion o Flwyddyn 7 hefo nhw hefyd, er mwyn iddyn nhw gael sôn am eu profiadau yn ystod eu tymor cyntaf yn Ysgol Eifionydd. Pwnc arall sydd wedi cael sylw gan y Cyngor Ysgol yw y cinio ysgol. Penderfynwyd y dylid creu holiadur a'i roi ar Hwb+ er mwyn rhoi cyfle i'r disgyblion fynegi eu barn.


Staff

Llongyfarchiadau i Mr. Dewi Bowen ar gael ei benodi fel Pennaeth Ysgol Eifionydd. Llongyfarchiadau mawr i Miss Sioned Williams a'i phartner Cai ar enedigaeth merch, Enfys Orion Erith a croeso i Mr. Dafydd Roberts sydd yma dros gyfnod absenoldeb mamolaeth Miss Williams. Pob lwc i Mr. Gwyn Owen sydd wedi dechrau ar ei swydd newydd fel darlithydd ym Mhrifysgol Bangor ac i Miss Lola Parry sydd wedi dechrau swydd newydd fel Swyddog Cynhwysiad. Braff i'w croesawu Miss Llio Dudley yn ôl i'r ysgol. Mae Miss Dudley yn gyn-ddisgybl ac wedi dechrau ar ei dyletswyddau fel Uwch Gymhorthydd Cefnogaeth Dysgu. Dymuniadau gorau iddi.



Eisteddfod yr Urdd - Ddydd

Sadwrn, Mawrth 5ed cynhaliwyd Eisteddfod Sir yr Urdd yn Ysgol Brynrefail, Llanrug. Llongyfarchiadau gwresog i'r rhai a gymerodd ran ac ar eu llwyddiant. Pob dymuniad da i'r cystadleuwyr buddugol wrth iddynt gynrychioli Eryri yn Eisteddfod yr Urdd yn Y Fflint yn ystod gwyliau'r Sulgwyn.



Cystadluwaeth Presenoldeb

Fore Mawrth, Mawrth 8fed, gyda Neuadd yr ysgol dan ei sang ar gyfer gwasanaeth llawn cyhoeddwyd enillydd y gystadluwaeth Presenoldeb eleni. Roedd enwau pob disgybl sydd wedi llwyddo i gael canran presenoldeb o dros 98% yn yr het a gyda siawns o ennill i-pad. Yr enillydd lwcus oedd Josh Gallimore, Bl.8. Llongyfarchiadau mawr iddo a gobeithio y bydd Josh yn cael oriau o fudd a mwynhad o'i wobrr.



Fforwm Rhieni: Sefydlwyd Fforwm Rhieni sydd yn cyfarfod unwaith y tymor. Bwriad y fforwm yw rhoi cyfle i rieni fynegi barn am faterion yn ymwneud â'r ysgol. Mae'r fforwm wedi cyfarfod a llwyddwyd i gael trafodaeth adeiladol iawn. Dyddiad y cyfarfod nesaf fydd 20/04/2016 am 6.30 y.h.